

雙山縣鄉土志

雙山全境輿圖

前吉林長嶺縣道

赴洮南站荒道

第三區警察所

懷

德

縣

水

山巴拉哈小

第三區警察所

山巴拉哈大

界

東

東

道長便路赴

縣山双

所警區一第

南雲山

道長源已赴荒裝入

道長源已赴荒裝入

道城面一赴

口船珠

河

南

張
口
前華化縣道

康

序

縣有志舊例也雙山蒙荒懇民初集三年成邑乃出意外每以志書缺如引為己疚然自揣絳灌無文
又復勸農鮮暇求之行篋書卷寥寥情諸友朋績學難覲歉然者久矣客歲
民政長令各縣送鄉土志時值籌辦冬防訟獄且繁又不敢無以報
命爰於風晨雪夜據事直書陋不待言望

鴻博君子諒之教之勿棄

大中華民國三年春奉天雙山縣知事山左牛爾裕編

王長治

李永豐

調查員張樹猷

王茂華

趙培崙

王世儒

方侃

牛方儀謹校

方悔

雙山縣鄉土志目錄

輿圖

歷史

政治

兵事

人族

戶口

宗教

實業

地理

山

水

道路

風俗

物產

植物

商務

附錄

親民堂記

雙山興學記

防疫說

移民墾費書

摘要補錄

呈報調查荒情暨安墾章程

勸墾告示

呈報墾戶安莊辦法

附表牌

呈請限制蒙古田獵

呈擬墾戶自衛

呈請開通河運

呈報局房營房工峻

呈報創設學堂辦法

呈據情請緩酒稅

墾戶未到由官招佃告示

呈報漢蒙清界事竣

呈報雙遼互爭公地請查案批示

呈復雙遼息爭辦法

照會雙山自治會赴荒務局會議

呈張都督兼民政長雙遼爭地案辦結

詳張上將軍兼巡按使請辭職

書雙山田賦事

書鑿渠洩水事

雙山留別詞

雙山之名非古也稽其部落為古山戎周獫狁秦漢匈奴唐以來蒙古全境之東部郭爾羅斯公旗之南角赫爾蘇河出邊門折而西南流赴昌圖所必經之地境內有山名米和名新甸有哈拉巴山故舊呼為米哈新甸亦蒙人言也以滿語考之則為納魯窩集即歌爾敏朱嫩之南境也歌爾敏朱嫩即今吉林西南長嶺縣原作長嶺府境事見滿州源流考地本為內蒙折里木盟長達爾汗王旗之不動產同治末年蒙王弟與漢人博博負甚巨遂指米哈新甸荒為孤注一擲擲畢悔之漢人索地訟益急達爾汗王固不許訟二十餘年累人多矣光緒三十三年

前總督徐世昌奏結派員丈量凡展轉而與有債權者雖僕夫庖丁無不得地共地六十萬二千五百九十五畝計一千九百四十方面積三千六百九十二方里分實邊固固利用厚生為八繩即八段也因距遼源稍近蒙務局設於遼源宣統元年丈量事歲安卷亦寄存遼源州署是年冬十月撤設安撫局以移民殖邊為宗旨委局長一員爾裕適承其乏率司書三人十一月披風冒雪渡遼設局調查入手辦法次年正月十六日實行招墾於實字段界內蒙屯班達窩棚之前名曰雙山鎮建局房一所營房二所至民國元年農商大集九月改設縣治以安撫局局長兼任設治委員隸於昌圖府今無府名二年縣治成立北路觀察使屬之

雙山政治以安墾為隗始初學製錦夫何足錄錄政之稍能使民已得實效而為

上官所嘉許者按東三省官地不難得領戶而難得實墾當宣統二年正月安墾之初高舉遍野四無居人爰就地質之宜民情所利採諸輿論參以古今中外成法擬簡章二十則呈准登報并廣告遠邇閱兩月僅得民六十餘戶甚惶恐乃布告自責并與新至之人約勸墾至五十方以上者捐廉獎以匾額三十方以上者獎以楹聯有地十方以上一時全數墾種者則酒醴以迎之斯漸踴躍三月杪乃得民四百五十九戶經秋又得百餘戶遂過六百戶承墾地五百餘方矣次年又次年皆如之至民國二年春乃得三千餘戶奉省胡匪之多甲乎他省推原其故皆由於家自為村居民星散軍警保衛力既難周鄰里扶持勢尤單薄爰於安墾之初規畫全境每地二十五方居中立一村屯凡承墾此二十五方地者或三五十家七八十家皆得聚居於此應田相距近者接壤遠者二里便負耒耜也西村東堡不過五里鷄犬聲通便守望也又每村發給六尺木牌一桿名曰安莊牌凡此村之村名地圖安莊規則築房形象以及公穿水井宅基價值悉載焉每村舉村長一名或二名凡村中窩賭窩匪吸食鴉片關礙等事村長得查禁之禁之不聽而不報惟莊長是問然莊長又不准索鄉鄰一錢只兼任看青糧歸之每晌亦不過一升升半耳又選年力精壯心地明白略識文字者村各一人來署教練每日講堂

一次認字義講規則署員司分任之操場二次教戰法巡官任之三月畢業發給文憑同村教材中四十歲以下者午陰涼處明月光中隨時練之既不防農又不費錢總期人人有當兵資格以漸進於國民之程度此安置墾民保庶保富之道也然富而不教何以為國遂於宣統三年春捐廉百五十元創立兩等小學一所入於署內設簡易識字一課以期文明進化始於教育惟墾荒多則穀盛無銷路則穀賤穀賤斯傷農矣欲求銷糧儲糧之道非水路火車不為功本境至五站百八十里運糧稍難若水路一通則千萬石不足慮矣按境南十二里為赫爾蘇河

土人曰東遼

出赫爾蘇河邊門折而西南流過

昌圖府止會于西遼河所必經之地宣統三年邀同地方人民前往查看沂流而南直抵三江口水清而深泥底泥岸以興航業百世利也遂繪圖呈往開運有素封陳丰林家捐地五十畝以作河岸停貨之地土峯旌之而使山今歲之糧車遂日銷百五十石不止國家稅亦因之大暢

開荒之有益於國非盡人所能知也然業戶墾戶之求利己也則人人所同若非安墾者因利利之恐求兩益易得兩害何謂兩害業戶見利心遷有時而增租奪佃此墾戶之害墾戶永稼收成抗租不交此業戶之害兩害不除墾殖何望當宣統二年安墾之初即定章業戶招佃其有無佃本幾年納租若干一佃幾年聽其與墾戶直接磋商商妥收具妥保立有租契同來本局親經驗看果係安分農夫即發墾戶以承墾書發業戶以招墾書書中有限內不准增租奪佃墾戶不在欠租脫逃等字樣局有存

根以備存查而杜假冒如遇水旱偏災則為之雙方調和或減或緩以待平為主

官民相親然後相信自前清牧令過尊官與民逆相與甚民與官終身無半面之緣者十居八九欲痛癢相關得乎雙山招墾之初即與民相約以直接不但課晴問雨時與晤談即十元二十元之債三石五石之租十隴八隴之地偶有爭持便來口訴隨訴隨傳片言而解欠債者勒限發保立結去矣行之三年民以為常甚至家事亦以理之是非來相請問如子弟之見父兄者然有過亦必申斥之除大轆葛與大刑事概不寫狀為不費一錢便民而有工且情相親則易於教化也今雖設治年餘仍不能改絃惟大不為好訟者所喜耳

農集矣非商無以濟日用所必需然商業之興衰又必視乎錢法奉省板帖除省城消歸烏有外其邊外城市無處無之甚且帖面有注明通融地面一家付錢等字樣倒閉可立待也誤國誤民莫此為甚雙山地面初開正如斬梓染絲功在初化不得謂但求一時發達之速致等渴飲盜泉轉遺後累是以屢屢苦勸各商家始終不出板帖而雙山錢法民都歡迎

自前清末年新政繁興機關林立籌疑之法亦密若網羅夫新政誠利也而民間之困苦亦大可憂民為邦本古人非欺我者雙山地係新闢民力未紓以少籌款為宗旨然謂新政可以緩辦則又不敢乃抱定少花錢多辦事之宗旨以漸漸進行如辦學堂暫不設勸學所本縣印務學所也辦巡警暫不設

警務公所及警長等官本縣即警長也辦預警亦不籌款不設預警長本縣即預警長也凡此皆為省錢計夫一邑之地一人負擔眇然一身有何財力鮮不謂攬權以欺世也第念廣廈高驤自必千緣百棟寒廬猶就不妨土壁茅檐如其地小而鋪張何若儉固以入手若待日後漸臻繁盛付肩不勝自當添設計雙山縣立高初等小校一處校長兼教習等共三人南路初等小校一處教員一人雙龍泡初等小學校城裡王道女子小學校慈惠村女子小學校各一處皆取鄉立名義每處由公款中月助小洋十元其餘一切費用均歸學東自備擬本年組織多處皆用此法是有公款百一十元便可興學一處有成立一處歲費千元之款便可興學十處其省費多寡顯而著也巡警共立三區每區二十餘人只有巡官三人其預警原所以補巡警所不及即以三區巡官勸導而聯絡之亦省一籌款手續也至自治會農務會收捐處亦均極力節有不能浪費銀錢誠以各會係本地人辦本地事非紳即商各有家產各有營業不過熱心公益共保治安如其視為差缺以博金錢致日日籌款俾鄉民幾無寧日何如清白乃心共擊重舉俾同胞共享安和然雙山此道一行而深明大義者莫不贊成其有志漁利而不可得者恐不免於怨耳

除秀安良官已不勝其力也

有與民直接每有受賄或攪擾情事見甲問乙無不津津津津說實情得法不才亦嘗其小費大見
害可消訟徒之得意全由於官民相隔若民未訟先已知其行為既訟便無所用其蒙蔽斯訟徒之鬼
蜮伎倆焉能施之於青天白日哉若夫土豪惡霸行為昭著稍有識者皆遠之防之劣迹一著置之於
法其胆自寒惟假手以兵警之權黨羽既多則難治矣最可恨者外柔和而口公益者能使人人受其
愚人人樂聽其說人人樂為所用凡一切招搖撞騙巧滑畏嚇之道無所不行勢必達到損人利己之
目的官府明知之而無劣迹在控竟不能治之此真蠹民之尤也竊為此慮他無良策亦只藉與民直
接之法以破之尚未為大病

兵事

雙山即指大小哈拉巴山而名之為懷德遼源奉化三縣胡匪淵藪宣統二年安撫之初呈由遼源撥巡警四十名以資護禦

上峯許之遼源拒之不撥一兵遼固款少亦由膜視幸前路統領張雨亭師長派步隊四十名繼復分來馬隊一哨至八月間又令馬四營營長孫占鰲帶全營鎮攝其書記官高子欽運籌帷幄迭次游擊生擒著名胡匪地方賴以安謐旋移營洮南吳統領與樞上將派隊繼之屢著戰功民國元年春有匪首天下好肆擾無忌經萬壽山管帶到處追擊卒用擊散是年九月雙山設治北鄉初設巡警劉巡官海峯擊獲天下好匪夥壯盛一名二年夏又有匪徒縛號大稜聚匪多名是時萬壽山已陞幫統率隊擒賊二名經劉巡官海峯生擒劉四喜一名奪獲人票二名并槍枝馬匹等件九月匪首大稜帶匪十餘人又竄入小哈拉巴山前蒙屯邊達營子劫擄懷德吉林富商五人適遇雙山第一區巡警李士訓等三名清查戶口見賊髮指明知眾寡不敵而李士訓等奮力敵禦二句鐘之久卒將被綁商人奪回而匪槍子彈擊中李士訓衣襟者至再噫險矣哉旋復會防營出隊聲擊賊乃遠颺十一間又有著名匪首大廣子等十餘人由大哈拉巴山過找賊北二十五里之金山堡經後路巡防馬隊哨官唐寶鈴步隊哨官劉忠卿游擊截獲擊斃匪徒一名官兵亦有傷者匪奔西南而

逃又經第一區巡官何成英帶警追擊賊始解體地方乃安

人 族

漢人 蒙古 滿州 漢軍 回回

戶 口

漢戶二千六百一十五戶蒙古九十七戶滿州六十一戶漢軍三十二戶回回六戶共男一萬零七百十四名女八千三百五十六口

宗 教

拉嗎教二百二十名天主教三十三名耶穌教二十六名

實 業

農八千六百三十四名工三百二十二名商七百七十一名

地 理

本境在奉天省正北偏東四百六十里東至懷德界百六十里西越蒙荒至遼源界九十里南至奉化界百四十五里北界郭爾羅斯旗蒙荒八十里全境分為三區共八鄉縣無城垣設安墾局一所今改為行政公署警察事務所附設公署中中街高等初等小學校一所後街初等女子小學校一所

一寶字鄉縣治即在該鄉之北東西寬二十里南北長二十里距縣西南十五里曰得愛村有初等小

學校一所縣西八里曰慈惠村有初等女子小學校一所東界懷德西界蒙荒南界遼源一角北界遼字鄉境內風巒重疊距縣里數以人行道計寬長均直算以下仿此

一邊字鄉東西長三十七里南北寬十八里東界懷德西界圍字鄉南界寶字鄉北界固字鄉

一固字鄉東西長四十四里南北寬九里東界懷德西界圍字鄉南界寶字鄉北界固字鄉

一圍字鄉東西長四十三里南北寬十一里距縣北二十里曰邊達營子第二區警察駐于此東界懷

德西界遼源南界固字鄉北界利字鄉

一利字鄉東西長四十四里南北寬九里東界懷德西界蒙荒南界圍字鄉北界用字鄉

一用字鄉東西長四十六里南北寬十里距縣北四十五里曰天興鎮第三區警察駐于此東界懷德西

界厚字鄉南界利字鄉北界厚字鄉

一厚字鄉東西長四十一里南北寬九里東界懷德西界蒙荒南界用字鄉北界生字鄉

一生字鄉東西長三十一里南北寬十里東界懷德西界蒙荒南界厚字鄉北界郭爾羅斯旗荒地吉

林長嶺縣